



INUMMIK  
INNARLUUTI-  
LIMMIK  
QANIGISAASUT

INUMMIK INNARLUUTILIMMIK

QANIGISAASUMUT

PAASISAQARNERORUSUTTUMULLU

# INUMMUT INNARLUUTILIMMUT QANIGISAASOQ

Inummut innarluutilimmut qanigisaasuuguit quppersagaaraq una ilinnut allataavoq. Pineqartoq aapparisinnaavat, qatanngutigisinnaavat, ikinngutigilluagarisinnaavat suleqatigisinaalluguluunniit.

Piginnaasakkillisimaneq qanorluunniit ikkaluarpat tamanna attaveqatigiinnissinnut sunniuteqarsinnaavoq aamma suut misiginerlugit maluginiassallugu pingaaruteqarsinnaavoq.

Piginnaasakillisimaneq ammasumik oqaloqatigiissutigiginissaa inuunissinnullu ilaananeranut akuersaarnissaa pingaaruteqarpoq.

Aappaaguit imaluunniit innarluutilimmik najugaqateqaruit taava pingaaruteqarpoq qaqugukkut ikorfartortiuinerlutit qaqugukkullu aappaanerlutit ikinngutaanerlutilluunniit oqimaaqatigiissumik nassarinissaa.

Inummik innarluutilimmik qanigisaqartuulluni nuannersorpassuarnik misigisaqarfiusinnaavortaaq. Qanilaarnerusumik oqaloqatigiinnerillu itisuut misigineqarsinnaapput, inuunermut nutaamik isiginnittariaatsimik kajumissusermillu pilersitsisinnaallutik.



# INUIT INNARLUUTILLIT TAPERSORSORNEQARNERAT

Inummik innarluutilimmik qanigisaasutut  
ikiorneqarsinnaatitaallutillu tapersorsorneqarsinnaatitaavutit.  
Siullertut aappaassaait, qatanngutaassaait imaluunniit  
ikinngutaassaait paaqqutarinninnissamut – aamma  
isumassuinissamut suliassat nalinginnaasunut tunngasut  
qaavatigut ikiorserneqassaait.

Inuit innarluutillit Inuit innarluutillit tapersorsorneqarnissaannut  
Inatsisartut inatsisaat malillugu tapersorsorneqarnissaminnut  
pisinnaatitaaffeqarput. Taamaalilluni ikiorneqarnissamut peri-  
arfissat amerlapput. Illit kisivit qanigisat ikiornissaanut  
akisussaaffeqanngilatit.

Pissassarfimmiinnissassinut kommunerisassinut  
qinnuteqarsinnaavusi. Pissassarfik piginnaanngorsarnermik  
aamma piginnaanngorsaqqiinermik neqerooruteqartarpoq,  
tassani inuttut innarluutilittut sungiusartoqarsinnaallunilu  
piginnaasakillismanermut pillugu paasinninnermut  
ikiorserneqartoqarsinnaalluni.

Aamma ikorfartortitut qanigisaasutulluunniit  
Pissassarfimmiissinnaatitaavutit taamaalilluni qanigisaasutut  
inuk innarluutilik qanoq pitsaanerpaamik ikor-  
fartorsinnaanerlugu paasisaqarnerusinnaallutit.



# KIMUT SAAFFIGINNISSAVIT

Kommunigisappit akisussaaffigaa qanoq  
ikiorserneqarsinnaanerlutit ilisimatitsissutigineqarnissaa.

Inuit innarluutillit tapersersorneqarnissaannut Inatsisartut  
inatsisaat tunngavigalugu qanoq  
tapersersorneqarsinnaanersutit paasisaqarfigerusukku  
sullissisunnut imaluunniit najukkanni kommuunerisat  
attavigissavat.

Kommunerisassinnimi sullissisoqarpusi.

Tapersersorteqarumagussi kommunip siunnersussavaasi  
ilitsersorlusiluunniit.

Oqarasuaatikkut siunnersorneqarusukku Tusaanga  
sianerfigisinnaavat. Ulloq unnuarlu tamaat ammasarpoq  
uummamiugisannillu sunilluunniit tusarnaarnissannut  
piareersimapput. 801180-mut sianersinnaavutit imaluunniit  
1899-mut sms-ersinnaavutit.

Pisinnaatitaaffitit pillugit imaluunniit suliannut tunngasoq  
kommunimiittoq pillugu nalornissutigigukku Tilioq saaf-  
figinisaanut tikilluaqqusaangaarputit.



# INNARLUUTILIMMIK QANIGISAASUMUT QANOQ ILIUUSEQARSINNAAVIT?

- Qanigisaasutut inissisimanerit ernumassutitillu pillugit inuk innarluutilik oqaloqatigiuk.
- Ernumassutitit pillugit allat oqaloqatigikkit. Amerlanerpaartaat inummik innarluutilimmik nalunngisaqarput amerlanertigullu paasinnissinnaasunik naammattuuissaatit.
- Assigiimmik piginnaasakillisisimasup qanigisai imaluunniit tassunga assingusut allat ujartukkit. Nalaassimasassitut misigisaqarsimasut oqalo-qatiginissai pingaaruteqarluinnarsinnaavoq. Taakkua ilissitulli misigisaqarsimasinnaasuullutillu pitsaa-nerpaamik ilissinnut paasinnissinnaasuupput. Assersuutigalugu innarluutillit peqatigiiffiusinnaapput.
- Kommunemut tapersersorneqarnissassinnut qinnuteqaritsi. Tapersersorneqarnissassinnut pisariaqartitsigussi ikiorneqarsinnaavusi. Qanigisaasut suna tamaat isumagisassarinngilaat.
- Qanigisavit piginnaanikillisisimanagera pillugu paasisassarsiorit, taamaaliornikkut susoqarneranik paasisaqarnerunissannik periarfissiissaaq.



# UAGUTSINNUT TUNNGASUT

Innarluutillit pillugit oqaaseqartartoqarfik Tilioq  
politikkikkut attuumassuteqanngilaq Namminersorlutik  
Oqartussat ataanni inissisimasoq.

Tiliup suliassaraa Kalaallit Nunaanni inuit innarluutillit  
pisinnaatitaaffii qulakkiissallugit siuarsassallugillu.  
Apeqqutissaqaruit uunga attaveqarnissannut  
tikilluaqqusaavutit:

TILIOQ

Aqqusinersuaq 48, 1. sal

Boks 3081

3911 Sisimiut

ATTAVIGISIGUT

Oqaras.: + 299 24 22 44 / +299 55 19 50

Mail: [info@tilioq.gl](mailto:info@tilioq.gl)

[www.tilioq.gl](http://www.tilioq.gl)



TILIOQ